

www.BibleForChildren.org

Mateo 8




Kinsa p'unchaw pasaruqtiinmi Galilea provincia law Caná Ilaqtapi huk casarakuy fiesta karan. Chaypin Jesuspa mamitan María kasharan. Chay casarakuy fiestamanmi Jesuspas hinallataq discipulonkunapas invitasqa karanku.



Hinaqtinmi chay casarakuy fiestapi vino tukurukuqtin, mamitan Mariaqa wawan Jesusta niran:
—Casarakuqkunapa vinonkun manaña kanñachu, nispa. Hinaqtinmi Jesuspa mamitan Mariaqa, chaypi serviqkunata niran: —Jesuspa nisqanman hina ruwaychis, nispa.



Chaymi Jesusqa chay fiestapi sirviente runakunata niran: —Kay tinajakunaman unuta hunt'aychis, nispa. Hinaqtinmi paykunaqa sapankama tinajakunaman unuta hunt'achiranku.



Chaymantañataqmi Jesusqa chay sirviente
runakunata niran: —Kunanqa chay
tinajamanta wisispa apaychis
despenseroman mallinanpaq, nispa.
Hinaqtiinmi chay sirviente runakunaqa,
Jesuspa kamachisqanman
hina aparanku.




Chaymi chay despenseroqa vinoman tukuchisqa unuta
malliyuran. Payqa manataqmi yacharanchu chay
vinotaqa maymanta
apamusqankutapas,
nitaq Maypi
waqaychasqankutapas.
Ichaqa sirviente
runakunaqa yacharankun
unumanta
vinoman
tukuchisqa
kasqantaqa.



Hinaqtinmi chay despenseroqa casarakuq runata
waqyaspa, khaynata niran: —Casarakuypiqa allin kaq
vinotan primertaqa
haywakunku; ichaqa
invitasqa runakuna allinta
tomaruqtinkuñan mana
allin vinotaqa
haywakunku. Chaychu
qanri, ¿allin kaq
vinota kunankama
waqaychasharankí?
nispa.




Jesusqa Galilea provincia law Caná Ilaqtapin kay primer kaq milagrotaqa ruwaran. Chay ruwasqanwanmi Jesusqa rikuchikuran ancha atiyniyoq kasqanta. Hinaqtiinmi discipulonkunaqa paypi creeranku.



Jesusqa Pedropa wasinmanmi riran.
Chaypin Pedropa suegranta rikuran
nishu fiebrewan camapi onqoshaqta.



Hinaspanmi Pedropa suegranman ashuyuspa, Jesusqa makinta llamiykuran. Chaymi Pedropa suegranqa chay fiebre onqoymanta kasqan ratolla sanoyaran. Hinaspan camanmanta hatarispa, paykunaman mikhunata serviran.




Inti haykuspa tutayaykushaqtinñan Jesusman
apamuranku demoniokunapa ñak'arichisqan ashka
runakuna, hinallataq
onqosqa runakunatawan
ima. Chaymi chay
llaqtapi tiyaq
runakunaqa, Simonpa
wasi punkunman
llapallanku
huñunakamuranku.



Hinaqtiinmi Jesusqa sanoyachiran tukuy imaymana onqoyniyoc runakunata. Hinallataq llapallan demoniokunatapash runakunamanta qarqoran. Chay demoniokunaqa reqsirankun pis Jesusqa kasqantaqa. Chayraykun Jesusqa mana dejaranchu chay demoniokuna rimanankutaqa.



Chaymi llapallan runakunaqa Jesusta tupayuytapuni munaranku, atiy ninwan sanoyachisqanrayku.



Hinaqtiinmi huk mana puriq runata tawa runakuna
kallapipi wantuyukuspa chay wasiman apamuranku.



Chaymi chay wasipa punkunpi
ashkallaña runakuna kasqanrayku,
mana ni maynintapas wasi
ukhumanqa apayuyta
atirankuchu.



Chaymi paykunaqa wasi pataman
wichachispanku, chay wasi patata
t'oqoranku. Hinaspan chay mana
puriq runataqa, chayninta
kallapipi Jesuspa
ñawpaqninman
urayachiranku.



Chaymi Jesusqa chay wantumuq runakunapa
iñiyninkuta yachaspa, chay mana
puriq runata niran: —Wawáy,
huchaykikunatan
perdonayki, nispa.
—Sayariy; hinaspa
chay kallapiykita
oqarispa wasiykiman
ripuy, nispa.




Jesusmi huk boteman wicharan. Hinaqtiinmi
discipulonkunapas wichaspanku,
paywan kushka riranku.
Hinaqtiinmi chay botepi
rishaqtinku Jesusqa
puñururan.




Hinaspan qonqayllamanta nishuta wayra-wayramuspa,
chay hatun laguna qochapi unuta
altoman qallchichimuran.
Chaymi chay risqanku
botemanqa unu
hunt'ayta qallariran.



Chaymi Jesusqa niran: —¡Pisi iñiyniyoc runakuna!
¿Imanaqtintaq qankunari noqapi mana confiaspa,
aswan mancharisqa kashankichís? nispa. Saynata
nispanmi, Jesusqa sayarimuspa chay
wayrata, hinallataq laguna qochapi
qallchikamuq unutawan
kamachiran
thañinanpaq.



Chaymi kasqan ratolla wayrapas unupas thañiran.
Hinaqtiinmi Jesuspa discipulonkunaqa admirasqallaña
anchata mancharikuspanku tapunakuranku khaynata:
—¿Imayna runañataq kay runarí?
Pay kamachiqtin, ¿wayrapas,
unupas kasukunanpaqrí?
nispanku.



Diosqa ancha-anchatan kay pachapi
runakunata munakuran. Chaymi
sapallan Wawanta kay pachaman
mandamuran, pipas paypi creeqqa
ama wañunanpaq, aswanpas wiñay
Kawsayniyoq kananpaq.



Romanos 3:23 Runakunaqa llapallanmi huchayoq kanku.
Chaymi Diospa sumaq gloriamantaqa karunchasqa
kashanku.

Romanos 6:23 Huchallapi kawsaq runaqa wañuytan
chashkinqa huk pagota hina. Ichaqa Diosmi qowanchis
wiñay kawsayta huk regalota hina. Chaytan Diosqa
qowaranchis Señorinchis Jesucristopi creesqanchisrayku.

Hebreos 9:27 Runakunaqa llapallanchismi ch'ulla kutillata
wañusunchis. Chaymantan ichaqa Diospa
juzgawanallanchistaña suyasunchis.



Efesios 2:8,9 Chaymi Diosqa khuyakuynillanwan salvawanchis, noqanchis paypi creeqtinchis. Manan pipas kkillanmantaqa salvasqa kaytaqa atinmanchu. Aswanmi noqanchistaqa Dios anchata khuyakuwaspanchis gratislla salvawanchis. Hinaspapas noqanchisqa manan imapas ruwasqanchisraykuchu salvasqaqa karanchis. Chayraykun pipas mana alabakunmanchu, salvasqa kasqanmantaqa.

Romanos 10:9,10 Sichus runakunapa ñawpaqninpi simiykiwan willakunki, “Jesucristoqa Señorniyami” nispa, hinallataq tukuy sonqoykiwan creenki, Jesucristotaqa wañusqakunapa kasqanmanta Dios kawsarichimusqanpi chayqa, (wiñay ñak'ariymantan) salvasqa kanki.

Hinaspapas tukuy sonqonchiswanmi iñinchis, mana huchayoq justo runata hina Dios chashkiwananchispaq. Chaymantaqa siminchiswantaqmi willakunchis khaynata: “Jesucriston Señorniyqa” nispanchis, salvasqa kananchispaqqa.



Juan 3:16,17 Diosqa ancha-anchatan kay pachapi runakunata munakuran. Chaymi sapallan Wawanta kay pachaman mandamuran, pipas paypi creeqqa ama wañunanpaq, aswanpas wiñay kawsayniyoq kananpaq.

Diosqa kay pachamanqa sapallan Wawantaqa mandamuran, manan runakunata sentenciaspa ñak'arichinanpaqchu, aswanqa runakunata huchanmanta perdonaspa salvananpaqmi.

1 Juan 5:11-13 Diospa willakusqanqa kaymi: Wawan Jesucristopi creeqtinchismi, Diosqa wiñay kawsayta qowaranchis. Chay wiñay kawsaytan tarinchis Señorninchis Jesucristopi. Pipas Diospa Wawan Jesucristopi creeqqa, wiñay kawsayniyoqmi. Ichaqa pipas Diospa Wawan Jesucristopi mana creeqqa, manan wiñay kawsayniyoqchu. Diospa Wawan Jesucristopi creesqaykichisraykun, kaykunata qankunaman escribimushaykichis, saynapi wiñay kawsayniyoq kasqaykichista yachanaykichispaq.



Mateo 8-9; Marcos 1-2, 4; Lucas 4, 8; Juan 2

Storyline by: Edward D. Hughes

Illustrated by: Byron Unger, Lazarus
and Alastair Paterson

Adapted by: E. Frischbutter; Sarah S.

Quechua, Eastern Apurímac NT (qve) © 2013, Wycliffe
Bible Translators, Inc. All rights reserved.

<https://live.bible.is/bible/QVETBL/MAT/1>

©2025 Bible for Children, Inc.

www.M1914.org

www.bibleforchildren.org

